



RODAS

dal Grischun

Corin Curschellas (chant & dulcimer)
Patricia Draeger (accordeon)
Barbara Gisler (cello)

ALBUM RODAS

publicaziun 16.04.2021

Ina rudella magica plaina chanzuns flurusas

Publicaziun dal primalbum da las RODAS da Corin Curschellas

Corin Curschellas, Patricia Draeger e Barbara Gisler han tschernì per lur trio il num rumantsch RODAS – in num che tuna en questa lingua sonor e rauc en ina, che lascha resentir ils curs dals affars, la ballabaina da la vita, il rudlar e ramurar da la musica. E dentant gira questa musica «be» enturn l'accordeon universal da Patricia, il violoncello tentalus da Barbara, in dulcimer occasional e lura la vusch chauda, baintemperada da Corin. Sco er enturn la percussiu punctuala dal giast musicant Bernd Bechtloff. Grondius però tge che gartegia a questa pitschna constellaziun *kammermusicala* puncto varietad e color, puncto arranschament ed expressiu. D'udir sin l'emprim portatun da las RODAS che cumpara uss, tschintg onns suenter la fundaziun dal trio.

Quai cumenza cun in *protestsong* elvetic che ballantscha tranter jazz e tango, quai maina plaunet sur ina flurusa ballada celtica tenor il poet britannic William Wordsworth u lura tras in'adoraziun tribala autalpina fin vi tar ina legenda da strias en la tunalitat da Weill e Brecht. Quai tschiffa si anteriurs temas da la chantautura grischuna sco la chanzun melanconica da la staziun principala da Turitg ubain la melodia da balenas tenor la poesia marina da Clo Duri Bezzola. E tranteren adina puspè chanzuns popularas engiadinaisas, veglias e novas, da sautunzas, filunzas, lavunzas, ina giada sco imni d'encreschadetgna, ina giada sco bella tarantella, ina giada circumdada da *musique concrète*, ina giada ornada da ghirlandas creolas. E sco truvaglia in vegl chant gualser or da la Val Sertig. Tut quai en trais differents linguatgs, inclus emprims tuns *bündnerdütschs* da Corin sezza. Vairamain ina bella rudella magica da surpraisas!

Infos davart las RODAS:

Corin Curschellas, naschida a Cuira e sesenta a Rueun, purtadra dal premi cultural grischun dal 2018, vegn magari er numnada la «grande dame» da la chanzun moderna rumantscha. Sper diversas cumparsas en film e teater brigliescha ella surtut cun ina nunditga carriera musicala; quella cumpiglia tant collavuraziuns temprivas cun Walter Lietha, George Gruntz, David Byrne, il *Vienna Art Orchestra* ubain Andreas Vollenweider sco er in pugn plain agens albums che oscilleschan tranter folk, jazz e worldmusic. Ils ultims onns ha la chantadura perscrutà daries la chanzun populara rumantscha integrond quella en divers projects sco LA GRISCHA ubain la TRIADA. Las RODAS furman ina spezia da liom tranter tut quellas tribunas.

L'accordeonista ed arranschadra **Patricia Draeger**, oriunda da la Svizra Centrala, è in veritabel multitalent musical. Ella ha cumenzà cun flauta traversa, ella ha studegià jazz e classica contemporana, ella ha participà a diversas produziuns da teater.

Ella ha musicà ensemen cun Christy Doran e Hans Kennel, ella ha concipiè raits musicalas multinaziunalas e suna il mument tranter auter en l'*Albin Bruns Alpin Ensemble* ed en il project svizzer- egipzian *Ala Fekra*.

Ed ella era gia da la partida tar LA GRISCHA da Corin Curschellas. Patricia Draeger ha gia survegnì plirs premis impurtants dal chantun Zug ed instruescha a la scol'auta da musica Lucerna. Ed ella ha gia sunà per tut il mund enturn.

La cellista turgoviana **Barbara Gisler** è in'instrumentalista confermada en plirs stils, dachasa tant en la musica classica sco er en quella populara e po integrar tut quellas experientschas en las RODAS. Ella ha gia sunà cun ils Fränzlis da Tschlin e furma ensemen cun la generaziun giuvna dals Janetts la gruppa populara (*C'est si*) *B.O.N.* Dapi in temp fa ella part dal quartet *I Gspannt* e dasperas envida ella sco contrabassista dals *Guschtis* a far in bel saut. Ultra da quai operescha Barbara Gisler en il comité da la Stubete am See da Turitg.

Il percussiunist austriac **Bernd Bechtloff** ha gia tamburà per renumads musicists sco Hubert von Goisern ubain Max Lässer.

Band :	Trio RODAS
Album :	Rodas
EAN/UPC :	7640176840197
Text & composiziun:	guarda album-tracks
Registraziun :	David Bollinger ToneControl www.soundvalley.ch
Mix e master :	Oli Bösch www.oliboesch.ch
Label & distribuziun:	R-Tunes www.r-tunes.ch



PROXIMS CONCERTS

- 18.04.21 Transalpin live en Kanzlei Turitg - concert 17.00 – batten CD**
- 24.04.21 baselgia Sent – concert 20.00**
- 01.05.21 Atelier Hinterrüti – concert 20.00**
- 06.05.21 Stimmenfestival Ettiswil – concert 19.30**
- 06.06.21 Bergfahrtfestival Bergün**
- 14.08.21 Ilanzer Sommer – concert 20.00 Uhr**
- 02.09.21 Chasa Jaura, Valchava – concert Finissage Ausstellung Nicolay/Melcher**

ALBUM RODAS – TRACKS cun ISRC

- ZUCKERBÄCKER m & t: C. Curschellas, arr: P. Draeger & B. Gisler 4:59 - ISRC CHC872100187
- IL PASTERET m & t: trad., arr: P. Draeger & B. Gisler 2:53 - ISRC CHC872100188
- DUMONDA m: Schimun Murk, t: Tista Murk, arr: P. Draeger 3:04 - ISRC CHC872100189
- I WANDERED LONELY AS A CLOUD m: C. Curschellas, t: William Wordsworth, arr: Rodas 4:51
ISRC CHC872100190
- ES HED ES SCHNEELI GSCHNIJED m & t: trad. Walserlied, arr: P. Draeger 4:01 - ISRC CHC872100191
- CHANZUN DAL GUITADER m & t: trad., arr: P. Draeger 3:31 - ISRC CHC872100192
- BAHNHOF SBB m & t: C. Curschellas, arr: P. Draeger & B. Gisler 5:17 - ISRC CHC872100193
- DONNA DONNA VÈ A CHÀ m & t: trad., arr: P. Draeger 2:26 - ISRC CHC872100194
- LOBA LOBA m & t: C. Curschellas, arr: Rodas 4:59 - ISRC CHC872100195
- LA STRIA – SAIRA PER SAIRA m: Rodas, t: Tina Nolfi / m & t: trad., arr: P. Draeger 4:47 - ISRC CHC872100196
- PASCH DA LA SAIRA m: C. Curschellas, t: Tista Murk, arr: P. Draeger 4:05 - ISRC CHC872100197
- A MYM RHI m & t: C. Curschellas, arr: P. Draeger & B. Gisler 5:03 - ISRC CHC872100198
- AL MAR m: C. Curschellas, t: Clo Duri Bezzola, arr: Rodas 3:54 - ISRC CHC872100199
- LA SCHIVA GRONDA m: Schimun Murk, t: Tista Murk, arr: P. Draeger 2:02 - ISRC CHC872100200
- A L'ESTER m: Curò Mani-Vital, t: Jon Guidon, arr: P. Draeger - ISRC CHC872100201

informaziuns

contact per las medias: Christa Wenger | wenger@cwpromotion.ch | CWPromotion
pagina d'internet: <http://www.corin.ch>